



**NORMATIV-HUQUQIY HUJJATLAR  
LOYIHASINI ISHLAB CHIQISH VA  
KELISHISHNING YAGONA ELEKTRON TIZIMI**

ID-4678 (V-1)



**O'ZBEKISTON RESPUBLIKASI IQTISODIYOT VA MOLIYA  
VAZIRILIGI O'ZBEKISTON RESPUBLIKASI TRANSPORT  
VAZIRLIGI O'ZBEKISTON RESPUBLIKASI MARKAZIY BANKI  
BOSHQARUVINING QARORI**

**Temir yo'l transporti yo'lovchilarining qo'l yukini, bagajini,  
valyutasini va valyuta boyliklarini bojxona nazoratidan o'tkazish  
va rasmiylashtirish tartibi to'g'risidagi nizomga o'zgartirish va  
qo'shimchalar kiritish haqida**

O'zbekiston Respublikasi Vazirlar Mahkamasining "Qonunchilik hujjatlarida korrupsiyaviy omillarini bartaraf etish hamda normativ-huquqiy hujjatlarni korrupsiyaga qarshi ekspertizadan o'tkazish chora tadbirlari to'g'risida" 2024-yil 11-sentabrdagi 562/11-son qaroriga muvofiq O'zbekiston Respublikasi Iqtisodiyot va moliya vazirligi, Transport vazirligi hamda Markaziy banki boshqaruvi **qaror qiladi:**

1. O'zbekiston Respublikasi Davlat bojxona qo'mitasi, Moliya vazirligi, Transport vazirligi va Markaziy bank boshqaruvining 2020-yil 20-martdagi 01-02/12-10,14,7,3/2-son qarori (ro'yxat raqami 3233, 2020-yil 2-may) (Qonun hujjatlari ma'lumotlari milliy bazasi, 02.05.2020-y., 10/20/3233/0540-son; Qonunchilik ma'lumotlari milliy bazasi, 28.07.2021-y., 10/21/3313/0724-son; 08.08.2022-y., 10/22/3233-1/0722-son) bilan tasdiqlangan Temir yo'l transporti

yo'lovchilarining qo'l yukini, bagajini, valyutasini va valyuta boyliklarini bojxona nazoratidan o'tkazish va rasmiylashtirish tartibi to'g'risidagi nizomining 6-bandi "v" kichik bandining:

a) ikkinchi xatboshisi quyidagi tahrirda bayon qilinsin:

"bitta yo'lovchining qo'l yuki, bagaji, valyuta va valyuta qimmatliklarining bojxona ko'rigi, bojxona ko'zdan kechiruvi hamda yo'lovchi bojxona deklaratsiyasini rasmiylashtirish vaqti 1,5 daqiqa ichida amalga oshiriladi. Ushbu muddat quyidagi hollarda bojxona organi tomonidan 5 daqiqagacha uzaytirilishi mumkin:

Xavflarni boshqarish tizimining topshirig'i ijrosini ta'minlash maqsadida;  
bojxona organiga yo'lovchining noqonuniy xatti-harakatlari to'g'risida ma'lumotlar kelib tushganida;

olib kirilayotgan yoki olib chiqilayotgan naqd chet el valyutasini va valyuta boyliklari qonuniyligini ta'minlash maqsadida;

yo'lovchining qo'l yuki va bagajlaridagi tovarlarning xususiyatlari va qonuniyligi o'rganishni taqozo etganda;

yo'lovchi xatti-harakatlari, uning qo'l yuki va bagajlarning holati bojxona organi xodimida shubha uyg'otganda."

b) uchinchi-beshinchi xatboshisi tegishlicha yettinchi-to'qqizinchi xatboshisi deb hisoblansin.

2. Ushbu qaror rasmiy e'lon qilingan kundan e'tiboran kuchga kiradi.